



Sebasond sin art. 55 dalla Lescha da scola cantunala dils 21.03.2012, sin art. 54 dall'Ordinaziun tier la Lescha da scola cantunala, sco era sin art. 12^{2,13} dalla Lescha da scola comunala, relai la Cumissiun da scola il suadont Uorden disciplinar.

Art. 1 Intent

Ensemen culla Lescha da scola communal duei igl Uorden disciplinar dalla Scola Breil gidar da contonscher in menaschi da scola che lubescha da luvrar, scolar e sescolar a moda efficienta ed emperneivla.

Art. 2 Cumpurtament

- Tuts cumpigliai alla Scola Breil inscuntran in l'auter cun respect.
- Las directivas dallas personas d'instrucziun, dallas autoritads da scola, dil personal da scola e dils manischunzs dils bus da scola ein d'observar.
- Senza lubientscha dallas personas d'instrucziun eis ei buca lubiu allas scolaras ed als scolars da bandunar il plaz scola enteifer il temps da scola.
- Ils temps da scola ein d'observar.
- Quei che pertucca ils telefonins ed auters apparats electronics vala il suadont:
 - Duront il temps¹ da scola e sigl areal² da scola han tals apparats dad esser ord funcziun e deponi els sacados da maniera ch'els ein nunveseivels.
 - Da miezdi e la sera cu ils scolars serendan sigl auto da posta san els far diever dil telefonin enteifer igl areal da scola ella zona nudada cun mellen el plan aschuntau.
¹ Temps da scola: 07:30-12:15, 13:15-17:00
² Areal da scola accessibel duront il temps da scola: nudau cun verd el plan aschuntau
- Quei che pertucca il sevestgir vala la recamondaziun che figurescha sil fegl sgulont "Jeu sevestgeschel dischentamein" il qual ei affischaus ellas stanzas da scola.

Art. 3 Localitads, indrezs, urdeins

- Dallas localitads, dils indrezs e dils urdeins duei vegnir dau quitau.
- Las reglas da casa ein d'observar.

Art. 4 Products da consum e mieds toxicogens

Sigl areal da scola ed a caschun dad occurrenz da scola ein mieds toxicogens (nicotin, alcohol, snus, etc.) scumandai.

Art. 5 Violenza

Sigl areal da scola ed a caschun dad occurrenz da scola vegn tolerau ni violenza fisica ni psichica.

Art. 6 Puniziuns disciplinars

- Surpassaments enviars igl uorden disciplinar vegnan puni - secund il cass - cun reprimandas, lavurs per castitg, arrest ni cun lavur speciala survegilada.

Art. 7 Cumpetenzas

- La persona d'instrucziun da classa ed il menader da scola san ordinar ina reprimanda a bucca ni a scret, lavurs per castitgs ed arrest entochen in miez di per cass.
- La Cumissiun da scola sa ordinar tut las puniziuns disciplinaras.



Art. 8 Constatar il causal, udida da dretg

Specia e circumstanzia dil surpassament disciplinar ein da sclarir. Il scolar ei da tedlar. En cass nua ch'in arrest survarga in miez di ni nua che ina lavur speciala surveglada stattan en damonda, eis ei da tedlar ils geniturs respectiv lur representants avon che prender ina decisiun. La decisiun ei da communicar ad els a scret cun aschuntar ils motivs.

Art. 9 Recuors

- Encunter decisiuns da castitgs disciplinars entras la persuna d'instrucziun ni il menader da scola sa vegnir fatg recuors tier la Cumissiun da scola enteifer 10 dis dapi la communicaziun.
- Encunter decisiuns che la Cumissiun da scola pren sco emprema istanza sa vegnir fatg recuors al Departament d'educaziun enteifer 10 dis.

Art. 10 Vigur

Quest Uorden disciplinar remplazza la versiun approvada dalla Cumissiun da scola ils 15 d'avrel 2014. La Cumissiun da scola ha approvau quest Uorden disciplinar dalla Scola Breil ella sesida digl 1. d'october 2024 ed entra en vigur cugl onn da scola 24/25.

Il president dalla Cumissiun da scola



Ramon Schmed

Il menader da scola



Francestg Friberg



